

咸淳臨安志

三十六

咸淳臨安志

咸淳臨安志卷之八十六



園亭

登臨游觀之娛末耳雖然隆上都而觀萬國是亦有繫焉昔人有言天下之治亂候於洛陽之盛衰洛陽之盛衰候於園囿之興廢夫善覘人國者廼或於是得之所謂不知其形視其景非邪然園囿一也有藏歌貯舞流連充景者有曠志怡神蜉蝣塵外者有澄想遐觀運量宇宙而游特其寄焉者嘻使園囿常興而無廢天下常治而無亂非後天下之樂而樂其誰能叙園亭

六一卅三

咸淳臨安志卷之八十六

一

東松

水月園

在大佛頭之西 紹興中

高宗皇帝撥賜楊和王存中 御書水月二字

後復獻于 御前

孝宗皇帝撥賜嗣秀王伯圭中有水月堂俯瞰

平湖前列萬柳燕游者多集焉

題詠

范石湖雨中集水月詩獻之今年不堪暑天亦相憐病良苦明便中秋法合涼夜半

行雲曉行雨蘄州竹簾清如冰飢蚊屈強猶飛鳴下牀蚤喜衣裳健出門更覺山川明曳屐扶藜尋水月不惜垂垂巾角折竹間松下已淒然却要芳尊生煖熱

梅莊園

在西馬塋韓蘄王園廣一百三十畝堂曰樂靜
曰清風及竹軒皆

高宗皇帝御書又有澄綠堂水閣梅坡芙蓉堆
及四時花木各有亭

水竹院落

在西林橋南 太傅平章賈魏公別墅先是

理宗皇帝御書二閣扁賜公其一曰 奎文之
閣公遂擇勝地敞層宇以荷

上賜閣之下爲堂曰秋水觀則

今上皇帝宸畫也圃於湖西者大率多幽窈之

趣若俯浩蕩眇空碧非穿林越磴意不得騁而
快也茲堂枕湖濬左挾孤山右帶蘇堤皆若卻
立屏侍不敢迫近波光萬頃與闌檻相直無少
障礙鳳皇諸山舉頭參前又有道院舫亭等傑
然爲登覽最其一曰懋德大勲之閣則揭于山
陰里第云

眞珠園

在雷峯北張循王園內有眞珠泉故以名有高
寒堂

秀埜園

在葛嶺水仙王廟西劉鄩王園有四并堂

雲洞

在錢塘門外古柳林楊和王園直抵北關最爲廣袤洞築土爲之中通往來其上爲樓又有堂曰萬景天全羣山環列洞之旁爲崇山峻嶺有亭曰紫翠間尤可遠眺桂亭曰芳所荷亭曰天機雲錦皆號勝處

北園

在天水院橋 福王府園

勝景園

在長橋南舊名南園

咸淳臨安志卷八十六

三

四

慈福以賜韓侂胄後復歸 御前

理宗皇帝撥賜 福王 御書勝景二字爲扁

擇勝園

在錢塘門外九曲墻下 紹定三年秀王府剏有

理宗皇帝御書擇勝愛閒二扁今徙置它所

新園

在錢塘門外酒庫側秀王府園

隱秀園

在錢塘門外城北劉鄩王園

環碧園

在豐豫門外柳洲寺側楊郡王府園

挹秀園

在葛嶺水仙王廟前楊府駙馬園

謝府新園

在惠照齋宮西舊為中常侍甘氏園今屬謝府
有道院村莊四面堂水閣等

總宜園

在斷橋路口中貴張氏園

乃九二

咸寧臨安志卷八十六

由

陳松

外有濱湖亭宇係官司創建者並載西湖門
茲不復出

餘杭

鑑亭

在縣南百步外下瞰大溪清流如鑑因名

部伍亭

在縣東北二里舊志云吳將凌統家餘杭縣於
本邑募鄉兵置部伍於此亭

鼇亭

晏元獻公輿地志云在縣南五里唐正元初縣

今盧鵬建以為游賞之地在南湖中山上故曰
鼇 祥符志云亦名南亭

嗥亭

在縣南五里晉郭文居大滌山常出肆貨藥伏
虎於此歸晚則虎嗥故曰嗥亭 祥符志云即

鼇亭聲之訛爾今山下澗石蒼翠奇恠流水潺

湲

放龜亭

舊在縣南五里其地居山帶湖巨石叢起有類

龜形唐正元中令盧鵬創號放龜亭

三六一八 咸寧臨安志卷八十六

五

陳松

臨安

瑞亭

在縣治之南二里

中和亭

在縣治東南二里

東亭

在縣治之東三里

西亭

在縣治之西五里

青亭

在縣治之東一十八里

章村亭

在縣治西南一十五里

馬溪亭

在縣治東北五里

丁峴亭

在縣治之東七里

北湖亭

在縣治之東三里

東風亭

在縣治西北三里

環錦亭

邑人俞氏山園

題詠

趙公善卜詩百世垂芳在一經茂林脩竹讀書聲園池日涉皆成趣景物天然分外

清聊復垂綸藏渭釣等閑釋耒起莘耕知君自有真良貴豈羨斯亭錦得名○趙南塘汝談詩

與子鄉鄰信有年故王遺事到今傳爽鳩邑改風煙在散騎園分水竹偏高架插書供夜讀蒲

堂成綵敵春妍相如可是區區者戲筆題橋亦偶然扮社交陰舊有綠寒驢那得到亭前青

山謝傳携樽地白水錢王守冢田尚友詩書厯暇日養親豚韭樂豐年異時駟馬榮歸里虛左

相迎更可賢

迎暉亭

在縣北一十里寶林院山南遙見浙江

題詠 邑令鞏豐詩我來將值日午時千峰照曜

姿 人言可比雙徑雄妙處乃在阿堵中崇岡

展障屹亭左似約老眼專窺東 日出烏鳥飛

豁然亭

在縣北二十里福勝院之北山

題詠 太守趙仲藏因游徑山登亭遠望詩千騎

踏青霜東游古道場雲籠山骨秀風引水

錦野亭

在西山

咸海臨安志卷八十六

七

松

奎照亭

在縣東七里

空飛亭

在九仙山眉山王構建

海風江月亭

在九仙山瀑布前邑令家之巽建

三休亭

在玲瓏山

於潛

野翁亭

在野翁亭北，今廢

潺湲亭

在縣城見舊志

清白泉亭

令邵文炳經營浮溪橋之始散步溪岸俯視山麓有泉溜冷然色青味甘因築亭于上且以名其酒

此君軒

在縣齋軒舊在寂照寺名綠廟諱東坡倅杭行縣

題詩 隆興初徙縣治衮繡堂之東 寶慶初

六十五十一

咸淳臨安志卷八十六

九

概

避 御嫌名易以此名記見縣治坡詩見寂照寺

富陽

望仙亭

在縣西南二百步後更名春山偉觀

近天亭

權縣趙師燿建參政樓公鑰書扁

折柳亭

在縣西今廢

知津亭

令呂昭亮建今廢

熙寧間令刁璿建東坡為賦詩云山翁不出山
溪翁長在溪不如野翁來往溪山間後遂增創
三翁亭前挹崖巒下臨浮溪為一邑絕景 淳
熙初令趙師密更新之

題詠

東坡於潛令野翁亭山翁不出山溪翁長
在谿不如野翁來往谿山間上友麋鹿下

鳧翳問翁何所樂三年不去煩推擠翁言此間
亦有樂非絲非竹非蛾眉山入醉後鐵冠落谿
女笑時銀櫛低我來觀政問風謠皆云吠犬足
生蹙但恐此翁一旦捨此去長使山人索寞谿
帝女

山翁亭

在縣圃左東山白雲菴側令張大猷建令胡衛

三十四

辰溪臨安志卷之十六

八

易山巔臨秀亭為之

溪翁亭

淳熙初令張大猷立亭于縣西北之潘洲亭廢
不復治 嘉泰元年令晁百談徙于縣北三里
後渚橋之東後令胡衛得舊盧瑤正中所書亭
扁立于潘洲新亭上遂還舊觀

雙溪亭

潛之潘洲正在二水合流之中令胡衛築亭其
上扁曰雙溪

款乃亭

入觀亭

在觀山東 嘉定癸酉令程秘建

新城

春波亭

在登平橋之東 端平元年令陳叟建

懋節亭

在景德觀之北 端平元年令陳叟建

陳氏園

題詠 晁無咎詩二首 山園芙蓉開寂寞歲云晚

日下重巘與盡還 獨歸挑燈古囊滿 吹空林白

八十四

咸淳臨安志卷八十六

十

鳥翔別林歸雲抱孤巘 我才不及古歎息襟淚
滿○東坡次韻云荒涼廢園秋寂歷幽花晚山
城已窮僻况與城相遠我來亦何事徒倚望雲
巘不見苦吟人清樽為誰滿○許廣淵詩今日
青蕪滿當年碧瓦稠軒楹無寸木池沼有殘丘
過客嗟啼鳥居人竟牧牛子孫誰秀穎念祖力
修重

七賢鄉唐氏林亭

有識春亭四并亭壽豈堂

題詠 孫郎中邦詩 華屋耽耽野外居茂林清蔭

餘閑過西疇觀刈穫懶尋南郭命巾車
問君為圃嗟子晚便擬歸休學二疎

鹽官

綠繞堂

張橫浦名取一水繞田之句

昌化

薦菊亭

循雙溪而上數百步溪側有窪其泉甘潔東坡

嘗酌以試茶後人號為東坡泉 開禧二年令

章伯奮作小亭其左曰薦菊蓋取坡詩一盞寒

泉薦秋菊之義也

尋源亭

在象賢庵之上數十步

合溪亭

小六

咸淳縣志卷八十六

十一

溪之上下皆分流湍激於其中合處橫亘里許

平闊深靜 開禧元年令章伯奮建

記文

令章伯奮記雙溪與縣治相直流淺湍激

流闊處無數百步欲一到未暇也一日有客自

遠來語與意合遂駢舟至其處水流無聲綠淨

可燭鬚眉極目平遠正在雙澗上下之間頃刻

異態舟行容與近一里許石紺白色平鋪水底

日光下澈波影內見金綠映漾若織女浪沫循

平流徐行散點若殘雪不銷者久之直後夾以

蓮蕩屈曲橫亘十數畝或水暴漲巨魚自溪泝

流而入掉尾鼓鬣以萬計若爭赴龍門而變化

渡溪登南屏山崑壁峭立古木自石出枝幹瘦

硬盤屈冬少霜彫之葉幽靜奇絕之觀間見層

出不可名狀而前人未有收拾品題之者抑山

水顯晦自有時乎於是自雙溪取徑傍東坡泉

登薦菊亭由象賢庵跨二橋泐流而入芟翳規

址作亭其上勝以合溪或謂唐昌山水之勝萃于此矣亭成父老聚觀士女蘇會咸曰令君遺我以無窮之勝稔我以去後之思而不與我父同其樂也余聞而愧之因自嘆曰峴山因羊叔子而名著後世見之為墮淚蘭亭非王右軍則脩竹激湍遂湮沒而無聞山川亭榭未有不資人而彰者余每臨文太息即是邑有二事而尤有感於余心焉去縣二十里有灘曰洗耳橋曰白牛山曰箕山問其人則曰巢許嘗隱于是故因以得名雙溪舊有亭得東坡詩而山水為之增明斯亭亦賴以不朽余貪戀微祿無巢許之高操拙疎多竒又無東坡之才名今合溪之名既以余辱後必得如東坡者品題之而後名始重故書以示後人

鏡紅亭

在合溪亭之後十餘步藕池從其前可徑一里開禧二年令章伯奮建取韓詩平鋪紅蕖蓋明

一ノ廿カ
ニノリミ
威淳臨安志卷八十六
十一
陳松

鏡之語

芳洲亭

在雙溪亭南岸之中洲

倦飛亭

在芳洲之左取坡詩倦飛不擬控扶搖之語

芎筍亭

在芳洲之右取坡詩溪筍瘦野芎苗之句

右三亭 開禧元年令章伯奮建

清暉亭

在水南道院東舊名步虛今錢御舊名易今名中廢

淳祐七年令趙希偕重建

捲雪臺

在中洲南岸南屏之麓 淳熙六年令錢御舊建

滴翠亭

在南屏山 淳熙六年令錢御舊建

許由亭

在晚溪去縣西九里旁有箕山下有洗耳灘又

橋名白牛管名許由舊傳巢許曾隱于此下令

圖經以許遠遊嘗居此山下遂有此名蓋得之

矣詳見山類

咸淳臨安志卷八十六

十三

松

桃竹軒

題詠參寥子道潛題王悅道桃竹軒餘杭門西

邑隨處雲林皆可喜邇來杖策到君家始覺溪

山逢骨髓爭流萬壑會目前競秀千崑對窻几

丹楓洗雨秋霽餘白鳥出沒嵐光裏主人韻勝

銜翠軒

題詠漫葉三錫峽川盛氏銜翠軒詩平生丘壑心

翠空濛時北窻夢清熟晝寂庭戶涼坐課黃卷

讀此心與山違對面若掩目孱顏儼如故心境

兩不觸宴坐搜萬象剖璞出蒼玉木末流夕暉

窻戶影搖綠相對兩青眼悠然一奕足此意陶

潛知不然問玉局

滴翠樓

序文

程內翰秘作堪村徐氏滴翠樓序季登築

新安達康廬九江又繇九江以達干湖湘梁益
凡賢士大夫馳輕車道唐山者莫不登樓賦詩
而後去故名章雋語鴻音逸韻爛若編貝前編
既盈嗣以今集且屬僕叙之顧僕低頭受史縛
三年坐簿書朱墨叢中望滴翠不三十里寸旌
漂搖雙躑不隨坐想主人角巾鹿裘朝夕其上
雲輕篆籀風動絲桐山雨溪煙盡顯几席未嘗
不臨風自媿也令廼欲僕吐塵土語置諸右簡
點浣清景得不為山君所不受乎尚幸四月受
代而歸酌雙溪之水洗濯塵容登滴翠之樓讀
滿編之詩平招山色俯挹溪澗聯嵐含輝浮空
況景以遊乎無倪未知季登能延客否慶元五
新年上元後三日
新安程秘序

題詠

十八日過堪村逆旅王人肅客甚恭問之

五十五

咸淳臨安縣卷八十六

十四

松

徐其姓季登其字也飲予小樓之上且求樓名
於予予曰亂山滴翠衣裘濕此東坡昌化之詩
也請以滴翠名之可乎季登曰唯唯賦兩絕以
志之云一溪流水漾殘春上有高樓碧瓦新溪
路晝陰元不雨却愁空翠染衣巾我愛東坡
句法道治平雙澗昔經遊曾吟滴翠衣裘濕請
借佳名
勝畫樓

靜觀堂

蕭源章氏山莊

題詠

章詠首夏靜觀堂書懷杖策下層嶺來
雲外莊簷低繞頽垣澹泊在一堂山高戶

痛虛風清長夏涼翳翳動林影激激浮溪光
遠與世隔獨有文史香汲井資燕嗽時藥助體
強園中橘為奴沼內芟堪裳蒼宮青不老籬下
明秋芳陶情在庶物養性歸琴觴矯首起遐觀
是中有濠梁○番易李達可靜觀堂詩君不見
通都蕩蕩開九遠肩摩轂擊人爭馳危樓百尺


獨高卧下看膠擾無休時又
不見滄江茫茫與
天遠輕舟出沒風濤險此時
着身平地人遙隣
擢夫驚破膽靜中有味知者
希紅塵拔脚與世
違世人顛倒墮醉夢我獨坐
照全天機榮名弗
羨計非拙浮利弗爭癡更絕
騁巧不若拙有餘
役智何如癡且愚高堂縣鏡
收赴影對世令人
省發深

藏春塢

題詠

宋飲雲老徐氏藏春塢詩
屏翳除繁少放
寬禮園書圃種仍昆未愁
百卉空臺榭長

引春風到酒樽底用黃鍾律管吹閑萌刺卉
日相隨尚平綠累早救斷荷鍾伯倫真我師
類蒐身名漂泊客燈前過眼花枝一夢
還爭似不知門外事抱孫携子閱芳妍



古蹟

由今日視前日皆古也況數百年以往之蹟乎春秋
內外傳所載以地則晉有有莘之虛衛有昆吾之觀
鄭有大庭氏之庫以物則夏后氏之璜在宋甲父之
鼎在徐肅謹氏之楛矢在陳蓋存古以示後之人固
廣記備言之一端也今諸所載凡耆舊所傳聞簡策
所著記雖不必皆可考證亦因其故而存之庶無舊
聞放失之恨云叙古蹟

風渚

郡國志云防風氏所封有金鷲山

考晉地理志
武康縣注云

咸淳臨安志卷八十六 十一

故防風氏國隋地理志云餘杭縣
有金鷲山二者不同未知孰是

吳慶忌宅

故老云豐儲倉即其故基前有池是慶忌磨劍

處餘見祥
異門

晉郭文宅

在新城縣晏元獻輿地志云靈耀寺即郭文故
居

唐凌準宅

在縣西五十步

唐褚無量故居

在鹽官縣

唐羅隱宅

在新城縣東五里

岑石

元在浙江長一丈四尺南北面廣六尺西尺六寸越絕書云秦始皇嘗取此石刻丈六於越東山

秦王纜船石

在西湖大佛頭 詳見石門

秦王磨劍石

百六五

咸淳臨安志卷八十六

十七

在鹽官縣東六十里審山之巔

范蠡塘

在鹽官縣西三十五里

晉馮氏井

在仁和縣臯亭山馮氏於所居發土有古井得石磚八十有四有刻文曰咸和八年十月丁丑朔十日馮氏作皆篆文

陳朝柏

見孤山

隋朝檜

見天竺重榮檜

唐朝杉

在洞霄宮外凡二耆老傳云唐昭宗景福二年閻丘先生自天台山以孟移植於此圍二丈高三十餘丈葉雖凋減而枝益堅或圍之以為屏障

唐朝櫟

見洞霄宮

古鐘

在祕書省道山堂下

小四十一

咸淳臨安志卷八十六

十八

依

宋鼎

唐鐘

並見 行在錄三茅觀

大鍋

在淨慈寺廟明二年三月造

栗山石杵

太平寰宇記栗山有石杵刻云黃武二年歲在

戊午八月三日凡十二字考之吳志黃武二年歲在癸卯後此十五年

年赤烏元年方是戊午今此刻磨滅不存必記之誤

袁公松門

靈隱寺路九里松唐刺史袁仁敬所植左右各
三行相去八九尺門扁吳說書

高宗皇帝嘗欲易以御畫不果但以金飾其

字詳見
紀遺

咸淳臨安志卷之八十六

咸淳臨安志卷之八十七

塚墓

夏后臯之墓見於晚周女媧氏之墳唐天寶中尚在也夫陵谷變遷高深易位彼何能久若是哉聞之曰墟墓之間不施哀而人哀此惻隱之真忠厚之至歷古今通上下而一心者也故芻牧有禁耕發有律式祭以致其敬封修以篤其恩充類至錐蓬顛之不蔽蘩櫛之不掩吾視之有弗忍況明君賢臣烈士之所藏其能久也固宜然則志也者非託焉以記久耶志爲杭作非杭人何以得書司馬牛宋人也避其家之難違之之吳又違之之魯卒於郭門之外葬于丘輿左氏特詳其事說者以爲錄其卒葬所在愍賢者之失所也嗚呼宇宙亦大矣人以眇然之軀生死于其間固有與之並生而羞道之者司馬氏崎嶇死於道路窆於他邦而時人賢之君子愍焉秉彝好德之心猶不於此槩見乎叙塚墓

漢孫鍾墓

在富陽陽平山孫堅之祖鍾性至孝種瓜爲業忽有三少年詣鍾乞瓜謂鍾曰此山下可作冢當出天子君可下山百步許顧見我去即可葬



也鍾去三十步便反顧見三人並成白鶴飛去
鍾死即葬其地冢上數有光恠雲氣五色上屬

天衍數里人由是知孫氏必興

孫氏墳墓在富陽者又有孫賁

孫瑤墓並在縣西南孫皓子希祖墓在縣南

漢於潛侯何滕墓

在於潛縣南二十里獨角山

吳富春侯郭成墓

在富陽樟巖

吳選曹尚書暨豔墓

在餘杭縣南由拳山之東

吳給事驍騎大將軍新豐侯暨惠景墓

在餘杭縣東北八里董舍村

晉郭文墓

見九域志在臨安縣西南一十五里

晉常山太守御史尚書俞歸墓

在餘杭縣西北三十五里地聯舟枕山

晉何史君墓

淳熙八年駱忠翊嗣業劄祠山別廟於於潛縣

東一里南陽山獲古塚陶塼上有太康五年甲

辰何史君墓十字

宋景侯吳喜墓

在餘杭縣西北仇山一里

宋侍中王裕之墓

在餘杭縣東二十五里按宋書王裕之字敬弘琅邪臨沂人嘗為吳興太守舊居餘杭縣薨於所居之舍亭山

陳疆陵侯陳法明墓

在餘杭縣南一十三里唐苑山中

唐章成緬墓

在於潛縣南七十里長安鄉允口村

唐杜牧墓

在南山東南與佛日山夾境名杜牧塢有數古塚

唐徐凝墓

在新城縣桐峴鄉

唐馬自然墓

在鹽官縣

梁太師吳敬忠墓

在於潛縣南五里豐國鄉東村

梁太保饒京墓

在昌化縣金山鄉首源林木翳鬱百尺合抱有
犯者必為異物所怖京本青州淄水人梁末為
鎮海軍紫溪鎮遏使龍德元年制贈太保
吳越武肅王墓

在臨安縣城北十三步

吳越文穆王墓

在龍山之南原和凝撰神道碑

吳越忠獻王墓

在龍山之南原太常卿張昭撰神道碑

吳越孝獻世子墓

在天竺前山

吳越忠懿王賢德順睦妃孫氏墓

在石人嶺下

吳越王妃仰氏墓

在龍井山放馬場

按表忠觀碑載錢氏墓在錢塘者二十有六
在臨安者十有一今不可悉考矣

吳越太尉開府儀同三司正顯薛公墓

在靈石山塚前生紫藤遍遶三峰之上其後三
世孫昂仕 國朝至尚書左丞葬於天竺山妙

法院

吳越太師杜稜墓

在新城縣北三里官塘子建徽墓在縣西十里
袁村

吳越給事羅隱墓

在錢塘縣定山鄉居山里又昌化瀟溪之楊村
俗號羅公墓彎蓋其祖墓

和靖林處士墓

在孤山所居側

詳見孤山

知杭州胡侍郎則墓

大凡八十
威海臨安志卷八十七

在西湖龍井廣福院之麓范文正公作墓誌銘

五
陳茂

周都尉邠墓

周待制邦彥墓

並在南蕩山子孫今居定山之北鄉

強文憲公淵明墓

在西溪之欽賢鄉

劉少宰正夫墓

在石姥山嶺之西北真珠塢

元少師絳墓

在南蕩山

章樞密窆墓

在寶石山

太師張文忠公橫浦先生墓

在鹽官縣

陳寺丞剛中墓

在龍井山風篁嶺沙盆塢公福州閩清人慷慨

挺特有志事功 建炎二年李易榜登第 紹

興戊午任太府寺丞應詔上封事主議恢復忤

秦檜意同年編修官胡銓以鯁切得罪貶新州

作御舊名賀其行有云屈膝請和知廟堂禦侮之無

咸淳臨安志卷八十七

六

陳放

策張膽論事喜樞庭經遠之有人遂與張九成

等七人同謫送吏部差知虔州安遠縣士論惜

之有詩云同日七人俱去國何時萬里許還家

公至縣適有嶺寇之擾究心招撫感瘴而歿其

妻子扶柩抵臨安得地葬焉其後湘中著 紹

興正論載公出處甚詳朱文公周益公皆有跋

語

儀王墓

在西湖顯明寺王諱仲湜生也有紫光照室及

視則肉塊刃剖遂得嬰兒 靖康時六軍欲推

王而立之杖劍以卻曉其徒曰自有真主其徒猶未退則欲自伏劍死六軍遂與王約以踰月而真主不出則王當即大位王陽許而陰實款其期未幾

高宗皇帝即位于應天王間關而南上屢嘉歎之主祭濮王嘗自贊其容曰熙寧六載歲在癸丑月當夏五二十有九余乃始生濮祖之後性比山麋貌同野叟隨圓就方以無若有惟忠惟孝不汙不苟皓月清風良朋益友湛然靈臺確乎不朽蓋自叙其推戴事也嘗游天竺有山禽忽驚起衝落半巖花之句子孫視諸邸爲蕃衍蓋爲善之報云

浙西提刑周龍圖格墓

在獨角門步司前軍寨公處州人爲直祕閣浙西提刑建炎元年討叛卒陳通與子肇丕俱遇害朝廷嘉其死節贈中大夫直龍圖閣勅葬此地其子祔焉

周殿撰杞墓

在九里松滕家原水岡塢公龍圖格之弟也建炎三年知常州值苗劉之變倡義勤王以

功除右文殿修撰洪內翰邁跋其檄書謂公聞
變憤踊即飛表請反正適忠穆呂衛公制置淮
淝兼領建康亟馳介詒書議起兵勤 王公倡
與協於是忠穆公及諸大將皆提兵道竟上凡
軍之百役芻芟薪丞穀菽泉帛弓刀甲楯車船
人徒動以萬計辰索暮辦調膈彌逢不使一間
語師既東身獨留張杜要害使去者無卻顧憂
取日虞淵功最右席邁常恨世徒知忠穆復辟
之功為大而周公首倡大義則少有能言者

岳鄂王飛墓

在棲霞嶺下

大フ夕一 小ニ川一 咸淳臨安志卷八十七 八 茂

題詠

葉靖逸紹翁詩云萬古知心只老天英雄
堪恨復堪憐如公更緩須臾死此虜安能

八十年漠漠凝塵空掩月堂堂遺像在凌煙早
知埋骨西湖路學取鷓夷理釣船○劉龍洲過
六州歌頭詞云中興諸將誰是萬人英身草莽
人誰死氣填膺尚如生年少起河北劍三尺弓
兩石定襄漢開號洛洗洞庭北望帝京校兔依
然在良犬先烹過舊時營壘荆鄂有遺民憶故
將軍淚如傾說當年事知恨苦不奉詔偽耶真
臣有罪 陛下聖可鑒臨一片心萬古在分茅
土終不到舊奸臣人世夜白日照忽開明袞佩
冕圭百拜九原下榮感 君恩看年年二月蒲
地野花春 鹵簿迎神

劉鄩王錡墓

在定山北鄉

勅賜功德院額曰旌忠

題詠 一過客不知名氏題詩云將軍力盡馬蹄穿一片丹心萬古傳叱咤風雲起平地扶持日月麗中天寶刀掛壁血猶在丹詔褒功墨尚鮮到底英雄身不死旌忠長倚碧雲邊

襄恪趙公密墓

在西溪欽賢鄉 中興以戰功顯嘗為殿步帥 其子雍登進士第

趙都運鞏墓

在徐范村之間

忠毅畢公再遇墓

在錢塘西溪

朱祕閣弁墓

二〇六
七十七

咸淳臨安志卷八十七

九

陳

在西湖公徽州人早歲遊京洛晁以道喜之歸以從女 南渡後授官副王倫使虜見執附表云節上之旄盡落口中之舌徒存歎馬角之未生魂飛雪窖攀龍髯而莫逮淚洒冰天 上為感愴後與洪張二公俱歸除直祕閣卒旅殯臨安朱文公為作行狀尤文簡公表作誌銘

濟王墓

在馳巘嶺下 景定五年十一月有 旨追復元贈少師保靜鎮潼軍節度使仍令所屬討論墳墓之制日下增修

丞相李文清公墓

在小隱山

趙紫芝師秀墓

在葛嶺寶嚴院紫芝温州人有詩集行於世

題詠

劉後村克莊詩云奪到斯人處詞林亦可悲世間空有集天下便無詩盡出香分妓

惟留硯付兒傷心湖上塚誰葬復誰碑

孫花翁季蕃墓

在水仙王廟側翁名惟信始居婺弃官隱湖山間號花翁工為長短句趙安撫與篋葬之後村劉克莊誌其墓

五十六

咸淳臨安志卷八十七

十

淳固宋先生斌墓

在西湖資國寺之右先生字文叔袁州分宜人弱冠師晦庵先生受四書大義篤實靖重確守師說演繹窮究至老不少懈於世味泊如也號庸齋卒年八十衆議私謚為淳固先生

相傳古墓

吳王夫差墓

舊志據吳越春秋夫差內傳三十三年葬於餘杭山太宰嚭亦葬于旁今按夫差葬秦餘杭山在平江府長洲縣西北三十里已詳見吳越考

此非

漢審食其墓

在鹽官縣東六十里審山舊志疑食其不應葬此特此山之審氏墓耳

晉杜子恭墓

孔稚珪東過錢塘北郭於舟中遙拜杜子恭墓

見南齊書

趙墓

在於潛縣東十二里古老傳趙宣子墓舊有墟塚二十五古溝五通人往來泉流不竭及有石

咸淳臨安志卷八十七

十一

陳歲

人馬麒麟之屬歲月浸深頽仆草莽多為鄉民鑿而徙之近即其地得陶埴二有咸和二年九月參軍趙悌建立冢功十四字故又以為趙參軍墓

關中侯墓

在於潛縣東一里東山塢 紹興初謝氏營墳旁逼古塚得印一劔一印龜紐金相篆文曰關中侯印

九里松前軍教場墓

在九里松行春橋水竹塢教場內俗呼為唐馬

三寶墓故老云 紹興末步司前軍因增廣教場惟此塚獨高大寨兵欲去之方舉鋪有黑蜂數百飛出着人不可向是夜步帥戚方夢一人高冠朱衣若王者服曰吾錢王之子葬此已久祈勿毀辭甚切方怪之詰朝得本軍申遂輟役

丁母塚

丁蘭故居在今艮山門外三十六里丁橋母死刻木事之如生塚在姥山之東

一名桐扣山

唐孝女墓

在錢塘縣孝女南鄉古老相傳昔有孝女唐醜娘年十二三母病剗腹取肝和粥以進母病愈而醜娘以破瘡風死葬此山里人美其孝故以

唐墓名

亞父塚

在臯亭山亞父陳重生有神異壽百餘而終今顯靈其地有禱皆應世傳爲亞父塚

木娘墓

在艮山門外太平鄉華林里蔡塘東里人朝奉大夫通判瑞州蔡汝揆庶母沈氏卒汝揆尚幼父霖用浮屠法火之汝揆旣以父澤入仕每傷

無松楸之地言之輒泣刻木為形衣衾棺槨擇地而葬仍置贍塋田建庵屋命僧守之鄉人呼為木娘墓

上昇墓

在仙掌山與天目鄰巒舊傳有仙人隱居既沒而葬裂棺飛昇板從半空而墜故臨安有上板下板村又二板墜紫溪東岸今名為板塢

蘇小墓

在湖上周紫芝有詩題云湖隄步游客言此蘇小墓也

及士

咸淳臨安志卷八十七

十三

題詠

周紫芝詩野水橫分青草陂誰埋玉鬪與瓊枝湖邊山自向人綠門外柳今何處垂

行兩行雲均是夢施朱施粉未相宜一從蕙死蘭枯後剛道桃花好面皮

僧塔

互見諸寺院此載其著者

宋詮定法師墓

在臨安縣西南一十五里郭文墳北十步

隋僧真觀法師東岡塔

在天竺隋開皇十五年有真觀法師居天竺手標葬處天禧間守王相欽若訪尋得之東岡之下甃甃甚工

題詠

揚蟠詩云東岡人不識野寺在樵漁落葉年年滿春風為掃除○郭祥正詩云窳堵

藏真骨東岡氣象殊煙
雲掃不盡苔蘚一痕無

唐鳥窠禪師塔

在竹閣

恩高僧塔

在碼瑙坡僧晤恩所藏圓公孤山詩有竹蔭高
僧塔之句

贊寧塔

在放馬場栖真院前

法慧大師墳

在寶勝院後山師名智圓字無外自號中庸子

咸淳臨安志卷之八十七

十四

陳

能詩將終預斲所居巖為墳令用陶器斂自銘
其墓又作詩自挽有云陶器一藏荒木下綠苔
芳草任縱橫

辯才塔

在龍井塔前有海棠二株乃師手植蘇穎濱為
撰碑見龍井寺

